

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 I 1062251 23 I
Sarajevo, 25.06.2025. godine

OPĆINSKI SUD U SARAJEVU, sudija Nenad Banduka, u izvršnom postupku tražioca izvršenja RAIFFEISEN BANK D.D. BOSNA I HERCEGOVINA, ul. Zmaja od Bosne b.b., protiv izvršenika K.I., Hadžići, radi izvršenja, van ročišta, dana 16.05.2025. godine, donosi:

ZAKLJUČAK

1. **ODREĐUJE SE ročište za DRUGU javnu prodaju na dan, SRIJEDA 17.09.2025. godine sa početkom u 09,00 sati, i to:**

Nekretnine upisane u zemljišnim knjigama Općinskog suda u Sarajevu, ZK. UL. broj 519, K.O. BINJEŽEVO, k.č. 2638, 2639, 2640, 2641, 2642, 2643 i 2647, suvlasništvo izvršenika sa dijelom 1/5.

Javno nadmetanje održat će se u prostorijama Općinskog suda u Sarajevu, soba broj 403/IV – izvršni odjel ovog suda.

2. Konstatuje se da je vrijednost izvršenikovog suvlasničkog dijela 1/5 predmetne nekretnine opisane u tački 1. ovog zaključka procijenjena od strane stalnog sudskog vještaka Jusić Ismet, te ista iznosi **78.546,00 KM**, a prema nalazu i mišljenju vještaka od 06.03.2025. godine.
3. Na drugom ročištu za javno nadmetanje nekretnina se ne može prodati za manje od jedne trećine vrijednosti utvrđene u tački 2. ovog zaključka, a što iznosi 26.182,00 KM. Početna ponuda na prvom ročištu ne može biti manja od jedne polovine od utvrđene vrijednosti koja je navedena u tački 2. ovog zaključka, a što iznosi 26.182,00 KM.
4. Učesnici javnog nadmetanja su dužni prije početka ročišta položiti osiguranje na depozitni račun ovog suda kod BBI BANKE na broj računa 1411965320009639 u visini od 10% od procijenjene vrijednosti, te prije početka nadmetanja sudu predati primjerak uplatnice iz koje je vidljivo da je osiguranje položeno. Ponuđačima čija ponuda nije prihvaćena osim za tri najbolja ponuđača, vratit će se osiguranje odmah nakon zaključivanja javnog nadmetanja. Od polaganja osiguranja oslobođene su osobe utvrđene članom 86. Zakona o izvršnom postupku.
5. Najbolji ponuđač – kupac je dužan da kupoprodajnu cijenu po kojoj je nekretnina prodana položi sudu u roku ne dužem od 30 dana, računajući od dana prodaje. Ako kupac u tom roku ne položi cijenu prodaja će se proglasiti nevaljanom i novim zaključkom odrediti da je nepokretnost prodana drugom po redu najpovoljnijem ponuđaču koji treba po prijemu tog zaključka sudu deponovati prodajnu cijenu u roku ne dužem od 30 dana. Ukoliko drugi ponuđač ne položi cijenu u ostavljenom roku sud će nekretninu ponuditi trećem najpovoljnijem ponuđaču pod istim uslovima.

6. Ako kupci u ostavljenim rokovima ne polože prodajnu cijenu, sud će oglasiti da je prodaja neuspjela i odredit će novu prodaju. Ova pravila se primjenjuju i u slučaju odustanka trećeg ponuđača.
7. Poreze i takse u vezi sa prodajom nekretnine snosi kupac ukoliko se stranke drugačije nisu dogovorile.
8. Ovaj zaključak objavit će se na oglasnoj ploči suda.
9. Stranka može o svom trošku objaviti zaključak o prodaji u sredstvima javnog informisanja, odnosno da o zaključku obavijesti lica koja se bave posredovanjem u prodaji nepokretnosti.

SUDIJA
Nenad Banduka

PRAVNA POUKA: Protiv ovog zaključka ne može se izjaviti žalba ni prigovor.